



Synfocity = 958

mail us at : mzsynfo@gmail.com; mizoramsynod@gmail.com - Phone - 2314648

October 10, 2024

❑ Presbytery Inkhawmpui

Mizoram Synod hnuai Inkhawmpui lian ber dawttu Presbytery Inkhawmpui chu October 10 - 13, 2024 chung hian Mizoram chung leh pawn hmun hrang hrangah hman a ni dawn.

October 10-ah Nomination Committee, Finance Committee leh Sub - Pastoral Committee an thu a ang a, Kohhran Upa thlan tharte Exam buatsaih a ni ang a, zan inkhawmah Palai lawmna leh Pastor Bial Report ngaihthlak a ni ang.

October 11 & 12, 2024 (Zirtawpni leh Inrinni) hian Rorel Inkhawm neih a ni ang a (Presbytery thenkhat chu Inrinni chauha Rorel an awm bawk), zan lamah vantlang Pathian biak Inkhawm neih a ni ang. October 13 (Pathianni) chawhmaah Upa Nemngheh Inkhawm hman a ni ang a, chawhnuah Lalpa Zariah Sakramen leh Upa thite sunna inkhawm a awm ang a, zanah Presbytery Moderator kalchhuakten Valedictory Sermon an sawi ang.

Presbytery Inkhawmpui hmanpui hian Synod Puipate hetiang hian an chhuak -

Rev. R. Vanlalnghaka, Moderator	- Chhimchhak Presbytery
Rev. P.B. Mankima, Synod Secretary (Sr.)	- Aizawl West-I Presbytery
Upa Vanlalsawma Siakeng, Synod Secretary (Jr.)	- Aizawl Central Presbytery
Rev. P.C. Pachhunga, Finance Officer	- Serlui Presbytery
Rev. H. Lalthananga, Statistician	- Hmarthlang Presbytery
Rev. C. Zoramawia, Sr. Executive Secretary	- Khawthlang Presbytery
Rev. V.L. Luaia Hranleh, Executive Secretary	- Teirei Presbytery
Rev. Dr. K. Lallawmzuala, Executive Secretary	- Chhimphei Presbytery

❑ Oath Taking, Lamp Lighting leh Graduation Day

College of Nursing, Synod Hospital, Durtlang chuan October 3, 2024 (Ningani) chawhnu dar 1:00 khan Oath Taking wawi 51-na, Lamp Lighting Ceremony leh Graduation Day wawi 20-na, Multipurpose Hall, College of Nursing, Synod Hospital-ah an hmang a, Synod Moderator Rev. R. Vanlalnghaka chu Khuallian a ni.

Dr. Lalthakima, Director-in inlawmna thu a sawi a, Pi K. Lalengzauvi, Asst. Nursing Superintendent-in Bible chhiar leh tawngtaiin hunserh a hmang. Pi C. Lalrintluangi, Principal-in report a pe a, Pi Ramfangzauvi, Nursing Superintendent-in Oath taking leh Lamp lighting hun a hmang a, Dr. Lalthakima, Director-in Graduate tharte hnenah Certificate a sem a. Zirlai ti thate hnenah Moderator, Rev. R. Vanlalnghakan lawmman a sem a, thu a sawi nghal a ni. Rev. V.L. Luaia Hranleh, Executive Secretary-in Graduate tharte leh Zirlai tharte tawngtaisakna hun a hmang a, Award hrang hrang pasarih - Pi Kapliani Award, Pu Chawnga Award, Pu Zaluta Award, Pu Nghaka Award, Miss Hlimpui Award, Mr. & Mrs. Upa Zasiama Ralte Wedding Golden Jubilee Award leh Pi Zautei Award te sem a ni bawk. Hun tawpah Upa Dr. Lalbiaksanga Hnamte, Librarian-in lawmthu a sawi a ni.

Synod Hospital-ah hian kum 1928-a Hospital din anih atangin Nursing School hi din ve nghal a ni a. Nurse zir hmasa ber chu Nil. Khuangi, kum 16 mi a ni. Nursing School hi kum 1944-ah Indian Nursing Council-in Nurse puitling zirna turin Recognition a pe a, June 20, 2019 khan Nursing School chu College-ah hlan kai niin College of Nursing, Synod Hospital, Durtlang tih a lo ni ta ni.

❑ KTP

Central KTP programme pawimawh tak, Ruihhlo Do Awareness Campaign kalpui mek chu October 2, 2024 (Nilaini) khan Lunglei leh Hnahthial District chhunga Bial KTP hruaitute pualin Lunglei Bazar Veng Kohhranah leh Siaha leh Lawngtlai District chhunga Bial KTP hruaitute pualin Lawngtlai Bazar Veng Kohhranah neih a ni. Awareness Campaign-ah hian Bial aiawh mi pahnih zel an tel a, anni hi an bial theuha Branch hrang hrangten Resource Person atana hmanga Awareness Campaign nei turin Central KTP chuan a beisei a ni.

❑ **Synod Phone Directory App tlangzarh a ni**

October 4, 2024 (Zirtawpni) zing dar 10:00 khan Synod Office Devotion Room-ah Synod Telephone Directory App siam thar chu Synod Moderator, Rev. R. Vanlalngkhan Pathian hnenah hlanin a tlangzarh.

Directory App tlangzarh inkhawm hi Rev. Dr. K. Lallawmzuala, Executive Secretary, i/c SYNFO-in a kaihruai a, Pu John Lalhruiatluanga, SYNFO Co-ordinator-in Directory App siam tura hma lak chhoh dan report tawi a pek hnuin Synod Phone Book App chu Moderator hian a tlangzarh a. App siamtu, SIRUK Consultancy lam aṅgingin APP chungchanga hriat tur awmte CEO, Sunday Lalbiaknian a sawi fiah bawk a ni.

Synod Phone Directory hi 1996 aṅgingin siam ṅan a ni a, Phone Book App tlangzarh tak hi a bua siam a nih hunah chuan Edition 10-na a ni ang. Synod Phone Book-ah hian Presbyterian Kohhrana Pastor leh Kohhran Committee member zawng zawngte bakah Synod hnuiaia thawktu zawng zawngte phone number dah a ni. Phone Directory APP hi Playstore leh Appstore-a download theih mai turin a awm thuai dawn a ni.

❑ **Synod Higher Secondary School**

◆ NSS Foundation Day vawi 55-na chu September 24, 2024 (Thawhlejni) khan Vanapa Hall-ah a lawmna pui ber hman a ni a. He hunah hian Synod Higher Secondary School NSS Unit chuan Mizoram puma Higher Secondary School zinga thisen pe ṅa ber chawimawina a dawng a, thisen hi unit 276 an pe a. Synod Higher Secondary School NSS Unit te hian tun ṅum hi a kum zawna thisen pe ṅa chawimawina an dawn vawi 4-na a ni. Chawimawina hi Pu Lalsiammawia Fanai, Principal chuan Hon'ble Minister, Sports & Youth Affairs Services Department hnen aṅgingin a dawng. Principal hi NSS PO, Dr. Vanlalvanga Ralte, Pu C. Lalrochhara leh Pu Joseph Vanlalhruiatluanga Sailo leh NSS Volunteer 40 leh School Dance Group ten an ṅawiam a, Dance Group te hian lam mawi tak an entir bawk. He hunah hian National Awardee Pu Joseph Vanlalhruiatluanga Sailo, SHSS zirtirtu chu State NSS Cell hmingin Chawimawina thuziak Minister hian a hlan bawk a ni.

◆ September 25, 2024 (Nilaini) a DAPC/DIKSHA leh Aizawl District Education Department-in an buatsaih, Photo Booth Making Competition-ah Synod Higher Secondary School Class XII zirlaite chu tel vein pakhatna an ni a. Lawmman pawisa fai ₹ 5000 leh Certificate an dawng a ni. He Photo booth hi 'HIV Routes of transmission and prevention strategy' tih thupui hmanga siam a ni.

❑ **Synod zirna ina zirlaite che ṅa**

Lamtluang Life Skills Academy-in September thlaa Higher Secondary School hrang hrangte pual Public Speaking Competition a buatsaih leh October thlaa Inter-College Public Speaking Competition a buatsaihah Synod zirna ina zirlaite an che ṅa a. Inter-College Public Speaking Competition-ah hian MCC zirlai, Angela Vanlalduhsaki, 5th Semester, English Department chu pakhatna a ni a. Higher Secondary Public Speaking Competition-ah hian Mesak Lalrinhlua Varte, Synod Higher Secondary School-a Class 12 Science zirlai chu pahnhna a ni bawk.

❑ **Prison Ministry**

October 6, 2024 (Pathianni) khan Synod Prison Ministry chuan Central Jail-ah hun an hmang a. Chawhma Inkhawmah, mipa lamah Rev. Dr. K. Lallawmzuala, Executive Secretary i/c Prison Ministry-in hun a hmang a, Masihi Sangati-ah Upa H. Lallungmuana, Counsellor, Prison ministry -in hun hmangin Central Women's Jail-ah David Lalnunsanga Colney, Counsellor, Prison Ministry-in hun a hmang a, NI. Marina Malsawmtluangin zai rawngbawlina a nei. Chawhnu inkhawmah Central Jail, Mipa-ah Rev. Zaihmingthanga, Chairman, Prison Ministry Sub-Committee, Lawngtlai-in hun hmangin, NI. Marina Malsawmtluangi leh Prison inmates Male voice an zai a ni. Masihi Sangati-ah Upa C. Lalsangzuala, Counsellor, Prison Ministry-in hun a hmang a. Central Women's Jail-ah Tv. Lalrempuia, Speaker, Saltang Chhuahtu Team-in hun hmangin, Tv. C. Lalmalsawma leh Prison inmate-te an zai bawk. Rev. Dr. K. Lallawmzuala, Executive Secretary chuan Prison Ministry Counselling Room chei ṅat a hmuna hlanin a enfiah nghal bawk a ni.

Aizawl pawna District Jail hrang hrang - Champhai, Chhiahtlang, Kolasib, Lawngtlai, Lunglei, Mamit leh Siaha-ah te pawh Prison Ministry Sub-Committee ruahman angin Chawhnu Inkhawm neihpui an ni bawk.

☐ **Mizoram Christian College (MCC)**

October 7, 2024 (Thawhtanni) khan Mizoram Christian College (MCC) Foundation Day an lawm a. College din ni tak hi October 5 (Inrinni) a nih avangin October 7-ah hian lawm a ni. MCC Department tina 5th Semester zirlaite hnen atangin College experience an neihte ngaihthlak a ni a, Upa Dr. Tawnenga, Principal hnen atangin MCC din chhoh dan leh fuihna thu ngaihthlak a ni bawk.

☐ **Worship**

October 9, 2024 (Nilaini) khan Kawrthah Kohhranah Khawthlang Presbytery Centenary Zaipawl Intihsiak Endikin Pu H. Lalrinmawia, Senior Music Instructor, Pu Lalromawia, Pu K. Lalbiakthanga leh Pu T. Laldintluanga te an kal.

☐ **Presbyterian English School (PES)**

October 8-9, 2024 chung khan North Khawlek PES hawn dil thar enfiah leh Vanbawng leh Suangpuilawn PES te tlawhin Pu P.C. Vanlalhruaia, Supervisor of Schools a kal.

☐ **Thawktu thar**

Synod Service Board chuan Synod Trust Department-a Junior Engineer, contract-a thawk turin mi pahnih a la thar a, October 16, 2024 atangin an hna an zawm ang. Lak tharte chu:

1. Kros Nuntluanga s/o Rohmingthanga (L), Ramthar Veng
2. V. Lalhlimpuia s/o V. Samuela, Bethlehem Vengthlang

☐ **Synod Mission Board**

◆ **Assam Mission Field**

October 4, 2024 (Zirtawpni) khan belhtu thar 23 an awm.

◆ **Delhi Mission Field**

October 6, 2024 (Pathianni) khan belhtu thar 12 an awm.

◆ **Arunachal & Assam Mission Field (West)**

October 6, 2024 (Pathianni) khan belhtu thar pakhat a awm.

◆ **Odisha Mission Field**

October 6, 2024 (Pathianni) khan belhtu thar pathum an awm.

◆ **Lucknow Mission Field**

October 6, 2024 (Pathianni) khan belhtu thar panga an awm.

◆ **Calcutta Mission Field**

October 5, 2024 (Pathianni) khan belhtu thar panga an awm.

◆ **Tripura Mission Field**

October 6, 2024 (Pathianni) khan belhtu thar pasarih an awm.

☐ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Sialsuk	Damlo	3	₹ 30,000/-
2.	Champhai Kanan	Damlo	1	₹ 10,000/-
			Belh khawm	₹ 40,000/-

☐ **FM Zoawi - Aizawl & Lunglei : Hruaina Eng Radio Programme**

October 11, 2024 (Zirtawpni) @ 7:30 p.m. :

Solo : Lalrammuani - Tawpna ni, **Zaipawl :** Dawrpui Bial Zaipawl - Isua khawngaihna, **Thusawi :** Rev. K. Lalpiangthara - Lungawina kim, **Solo :** Jennifer Lalhruaitluangi Hmar - Min kai ang che, **Zaipawl :** Darlawn Bial Zaipawl - Aw hmanhmawh rawh, **Rawngbawlina lawrkhawm**

☐ **Su Samachar Prasaran Programme :**

October 13, 2024 (Pathianni) 5:30 pm. :

Group/Choir/Solo : Sihphir Masihi Sangati - Kruspar, **Group/Choir/Solo :** Chanmari West - Yesu Mere, **Sermon :** Rev. Jimmy Malsawmdawngliana, **Group/Choir/Solo :** Sheila Lepcha - Anugrahkari, **Group/Choir/Solo :** H. Vanlalringa - Khusiya

- ❑ **Hruaina Eng TV Programme**
- 10.10.2024 (Ningani)** 8:30 pm : Thupui Zir bing
11.10.2024 (Zirtawpni) 5:00 pm : Kristian Naupang Pual
12.10.2024 (Inrinni) 5:30 pm : Puitling Sunday School Zirlai
13.10.2024 (Pathianni) 8:00 am : Weekly round up
 5:30 pm : Su Samachar Prasaran
14.10.2024 (Thawhtanni) 10:00am : Praise On First Round (Live - YouTube & HETV)
 8:30 pm : Hruaina Eng Luang chhuak - Rev. Lalhuanmawia
15.10.2024 (Thawhlelni) 10:00am : Praise On First Round (Live - YouTube & HETV)
 8:30 pm : Kohhran Chanchin - Durtlang Kohhran
16.10.2024 (Nilaini) 10:00am : Praise On First Round (Live - YouTube & HETV)

❑ **Moderator leh Executive Secretary-te Programme:**

Rev. R. Vanlalnghaka : Moderator

Oct. 10-13, 2024 Chhimchhak Presbytery

Rev. C. Zoramawia : Senior Executive Secretary

Oct. 10-13, 2024 Khawthlang Presbytery

Oct. 15-17, 2024 Kohhran zirchian - Shillong

Oct. 18, 2024 Synod Trust committee

Rev. V.L. Luaia Hranleh : Executive Secretary

Oct. 10-13, 2024 Teirei Presbytery

Oct. 15, 2024 Central Kohhran Hmeichhe Committee

Oct. 16, 2024 Social Front Executive Committee

Oct. 17, 2024 SMTC Managing Committee

Oct. 18, 2024 MCC Governing Board

Oct. 19-20, 2024 ITI Kohhran - Social Front Programme

Rev. Dr. K. Lallawmzuala : Executive Secretary

Oct. 10-13, 2024 Chhimpei Presbytery

Oct. 14, 2024 PC Girls Committee

Oct. 15, 2024 Worship Executive Committee

Oct. 16, 2024 Education BEC leh Meeting with SIM International Leader

Oct. 18, 2024 MCC Governing Board

Oct. 19-20, 2024 Masihi Sangati Convention, Saitual

SYNOD BOOKROOM LEHKHABU CHHUA KHAR - OCTOBER, 2024

1.	Thuthlung Thar Theology: <i>Rev. Dr. Zaihmingthanga</i>	₹ 500/-
2.	Ram Eng Mawi: <i>VLC Vanlalhriatrenga</i>	₹ 300/-
3.	Kristian Chhungkua: <i>Rev. Vanlalchhunga</i>	₹ 120/-
4.	I Ni Min Pek Te Hi: <i>Rev. Zairema</i>	₹ 500/-
5.	Bible-a Hmeichhe Hminghangte: <i>C. Thangkhuma</i>	₹ 150/-
6.	Daidanna Bang Phena Thuruk: <i>Zohmangaihi</i>	₹ 300/-
7.	Thil Bul Thawnthu: <i>Lalrammawia Ngente</i>	₹ 300/-
8.	Pa Hausa Pa Rethei: <i>Lalrinzuala Pachuau lehlin</i>	₹ 300/-
9.	Hmeichhe Thianghlim Lalruali: <i>Dr. Laltingliana Khiangte</i>	₹ 250/-
10.	Mizo Chinese English Dictionary: <i>Rev. Zaidarhzauva</i>	₹ 120/-
11.	English Zirna Book 2: <i>Rozama Chawngthu</i>	₹ 400/-
12.	Lemchan Khawvel - 4: <i>Dr. Laltingliana Khiangte</i>	₹ 200/-
13.	Siar Vangkha: <i>Zaiva Nununa Renthlei</i>	₹ 300/-

